

Schedule "E1"

Ontario giigidowin – ginwaak ozhibii'igan

INAAKONIGEWIN GAA-GII-IKIDOWAAD DIBAAKONIGE-OGIMAA ONTARIO ONJI

BAKWEZHIGAN GAA-GASHKIIGININD – WIINDAMAWAAG WİYAG GAA-ADAAWAAGEWAAD OMAA GANADA AKIIN GAAWIIN QUEBEC

Giishpin gaa-adaaweyin bakwezhigan omaa Gaanada gaawiin eta Quebec January 1 2001 biinish December 31 2-21 gi-daa-ondaakonigoo.

Dibaakoniwewag awiyag omaa Ontario gaye Quebec omaa Gaanada Akiing giishpin gaa-ozhi'aawaad gaye adaawaagewaad bakwezhiganan gaa-adaawaazod omaa Gaanada Akiing.

Gaa-gashkiiginind Bakwezhigan gaa-dazhimind, wegonen igo daabishkoo bakwezhigan gaa-gashkiiginind, gaa-agaashiinzhiwaad bakwezhiganag, gaa-ditibinindwaa, gaa-bagwaneziwaad, naan, zhaaganaashii-bakwezhiganag, gaa-nabagaabiigiziwaad, gaa-wiimbiziwaad gaye twaartiayas gaa-izhinikaazowaad, gaawiin dash wiin gaa-mashkawaakojid.

LOBLAWS/WESTON IKIDOWIN

Gii-ikidom Gaanada Akiing imaa Loblaw Adaawewin, Loblaws Inc., George Weston Limited, Weston Foods (Gaanada Aki), Weston Bakwezhiganikewin, gaye Weston gaa-maajinizhawaawaad bakwezhiganan (Maamaw "**Loblaw/Weston**"). Igi Loblaw/Weston itam gii-dagwiiwag ji-dibaakonigewaad. Onoweniwa oda-dibaakonaawaa': Gaanada Aki Bakwezhiganikewin Izhichigewin, Limited, Sobeys Inc., Sobeys Quebec Inc., Sobeys Maamaw Maamoo-izhichigewin, Metro Inc., Wal-Mart Gaanada Aki, gaye Gichi- Misaabe Adaawewigamigoon.

Loblaws/Weston gii-ikidowag ji-diba'igewaad CAD **\$500 miniyan** (\$96 minyan aazha gii-diba'amawaawag Loblaw mazina'iganens Izhichigewin) ji-miinindwaa awiyag Gaanada Akiing gaa-ayaawaad gaye ji-wiiji'indwaa igi gaa-gagwe-ondiziwaad giyaabi gagwe-dibaakonaawaad awiya'. Meshkwach dash Loblaw/Weston da-miinaawag gakina iwe gaa-andawendamowaad iwe Gaa-gashkiiginigaazod Bakwezhigan onji. Gaawiin dash wiin Loblaw/Weston ikidosiwwag emanzhichigewaad, mii eta enendamowaad ji-wiijitoowaad bangii.

IKIDOWIN NOONDAMAAGEWINAN

Iwe Loblaw/Weston ikidowin dibaakonigewigamigong da-dazhinjigaade Ontario gaye Quebec jibwaa-odaapinigaadeg. Imaa Ikidowin Noondamaagewining, dibaakonigewininiwag da-inendamooog giishpin wenizhishinogweni iwe inendamowin.

Dibaakonigewininiwag gaye da-gagwejjimaawag giishpin enendamowaad ji-maajinizha'igadegin gegoonan gaye aaniin ge-izhi-dibaa'amaading iwe (ishkwaa-diba'amawindwaa dibaakonigewininiwag gaye godak, gaye inendamowinan, dibaakonigewin diba'igewin, gaye taaksis) ji-mino-diba'amawindwaa awiyag imaa. Giishpin inendamowaad dibaakonigewininiwag 78% minik awe zhooniyaa da-miinaawag imaa Ontario gaa-dibaakoniwewaad aye 22% imaa Quebec inake.

Iwe Dibakonigewin Noondamowin Ontario ge-doodang da-danakamigan Ontario Gichi-dibaakonigewigamigong * 2025 * apii owe [da-dibaadode].

Imaa dash Dibaakonigewin Noondamowining dibaakonigewininiwag gaa-doodamowaad iwe Ontario dibaakonigewin, da-gagwedwewag ji-bagidiniwemagak dibaakonigewigamig owe minik [minigok]gaye godak zhooniyaa gaye taaksis. Ontario Dibaakonigewigamig da-ikidowag aaniin minik ge-diba'amawindwaa dibaakonigewininiwag.

Giishpin Loblaw/Weston dibaakoniwewin odaapinamowaad igi Dibaakonigewigamigong gaa-ayaawad, giyaabi da-dibaakonigenaaniwan.

ONTARIO DIBAAKONIWEWIN IZHICHIGEWIN

Gaa-gii-dazhinjigaadeg omaa Ontario gaa-inaakonigewaad Gakina Awiyaag gaa-daawaad omaa Gaanada Akiing gaawiin eta Quebec December 31, 2021, igi eta gaawiin Gaawiin Igi, November 1, 2001 gaye December 31, 2021, gaa-gii-adaawewaad Gaa-gashkiiginigaazonid Bakwezhiganan gaa-gii-ozhi'aawaad gaa-adaawaagewaad ("**Ontario inake**").

Iwe dash Loblaw/Weston inaakonigewin, Ontario Inake da-aanjise gaa-adaawaagewaad Gaa-gashkiiginigaazonid Bakwezhiganan gaa-ozhichiganiwid bakwezhiganikewigamigong gaa-gii-adaawed dash bakaan awiya. Awe gaa-inind Loblaw/Weston gaa-dibaakoniwed Ontario Action owe: Gakina Awiyaag gaa-daawaad Gaanada Akiing gaawiin eta Quebec December 31, 2021, igi dash Gaawiin Igi January 1, 2001 gaye December 31, 2021, gaa-adaawewaad Gaa-gashkiiginigaazonid Bakwezhiganan dibinawe gemaa gaawiin gaa-gii-ozhi'aad ("**Ontario Dibaakonigewin class**").

Iwe ikidowin "**Awiyaag**" gaa-aabajichigaadeg omaa inaawag awiyag gemaa izhichigewinan, niizhoo-izhichigewinan, oko-izhichigewinan gaye godak zhooniyaakewinan gaye "**Gaawiin Gaa-dagonindwaa**" inaawag igi gaa-wii-dagwiisigwaa imaa dibaakonigewining Ontario godak gaye.

Giishpin inendaman ji-dibaakonigeyin imaa Ontario Dibaakoniwewin gi-wii-dagwii dash imaa Loblaws/Weston izhichigewining, gaawiin memwaach gegoon gi-daa-izhichigesii noongom.

Giishpin dash giiyaabi ayaayin imaa, gi-ga-dagwii imaa Loblaws/Weston inaakonigewining giishpin odaapinigaadeg, da-bagidinigaadewan dash gaa-wii-doodaman Loblaws/Weston, gi-ga-wanitoon dash ji-dibaakonadwaa Loblaws/Weston, giiyaabi dash wiin gi-daa-ondiz imaa Loblaws/Weston onji.

ZAAGA'AMAN IMAA ONTARIO INAAKONIGEWIN IZHICHIGEWIN

Giishpin inendaman ji-dibaakoniwewin imaa Ontario Dibaakoniwewin, gaawiin dash wii-dagwiisiwan imaa Loblaws/Weston dibaakonigewining, gi-daa-zaaga'am noongom. Zaaga'aman noongom gaawiin gi-ga-gashkitoosin ji-ondinad zhooniyaa imaa Loblaws/Weston inaakonigewining, giiyaabi dash gi-daa-gashkitoon ji-dibaakonadwaa Loblaws/Weston.

Apii ge-zaaga'amamban imaa [atoon omaa]. Ji-zaaga'aman, gi-daa-ozhibii'amaage imaa Ontario Dibaakonigewin Gaa-naagajitood [atoon omaa], ji-dagoshinoomagak aabitaad-dibikag PST imaa * maawach wiikaa. Gikendan aaniin ge-izhidoodaman owe gaye [atoon omaa].

Mii eta iwe ge-izhi-gashkitooyin ji-zaaga'aman imaa Ontario maamawi-dibaakonigewining.

ANDAWENDAZIWAN JI-AYAAYIN DIBAAKONIGEWING

Giishpin andawendaziwan ji-zaaga'aman imaa Ontario dibaakonigewining, giiyaabi dash andawendaman ji-giigidoyin ji-nakwetawadwaa Loblaws/Weston dibaakonigewin, gi-daa-ozhibii'amawaa awe Ontario Dibaakonigewin Gaa-naagajitood ji-dagoshinoomagak aabitaad-dibikag PST * ishkwawaach wiikaa. Gikendan aaniin ge-izhidoodaman owe gaye [atoon omaa].

ADAWAAGEWIN GE-IZHICHIGENG GAYE WII-DIBA'AMAAGOZIYIN

Iwe adaawaagewin ge-izhichigeng niibiwa ayaamagan wiindamaagewin aan ezhiseg iwe diba'amaagoowin, aaniin gaye ge-izhi-diba'amawindwaa awiyag gaa-inendamowaad iwe.

Iwe diba'amaagoowin da-ayaamagan ji-miinindwaa igiweniwag gaa-gii-adaawewaad ini bakwezhiganan ji-amwaawaad gaawiin wiin ji-adaangewaad, mii eta igiweniwag ge-diba'amawindaa owe izhichigeng.

Bakaan dash wiin da-izhise giishpin gaa-adaawewaad ji-adaawaagewaad ini Gaa-gashkiiginiganiwinid Bakwezhiganan gemaa bakaan bangii, da-gichiwinaa. Imaa gaa-anokiwaad Dibaakonigewigamigong da-inendamoo aaniin ge-izhi-diba'amaading.

www.swslitigation.com

GIIYAABI WII-GIKENDAMAN

Gidigoo ji-nanaagadaabandaman iwe Loblaws/Weston dibaakonigewin, aaniin gaa-izhi-andaawaadeg, gaye gaa-izhi-nakwetamowaad maawach [atoon omaa].

Giishpin wii-gagwedweyin ezhiseg iwe Loblaws/Weston dibaakonigewin, gi-daa-ganoonaa Ontario

Dibaakonigewin Gaa-naagajitood:

bread@veritaglobal.com *gaye 1-833-419-4821*

ONTARIO MAAMAWI-INAAKONIGEWIN

- Strosberg Wingfield Sasso LLP
www.swslitigation.com
- Orr Taylor LLP
www.ortaylor.com

Owe Ozhibii'iganing ayaawan gaa-dazhinjigaadein Ontario gaa-gii-dazhinjigaadeg, iwe Loblaws/Weston dibaakonigewin gaye gaa-izhi-adaawaadeg Ontario dibaakonigewining. Giishpin minosesinog gaa-ozhibii'igaadeg omaa Ozhibii'iganing gaye ini godak, gaa-ikdoomagak da-bizinjigaade.